

DISSERTATIO INAUGURALIS MEDICA
DE

LABIIS LEPORINIS, Von Hasen-Scharten/

Quam
TRIVNO NUMINE,

CONSENTIENTE GRATIOSISSIMA FACULTATE MEDICA,

ILLVSTRIS ET PERANTIQVI HVIVS ATHENAEI HEIDELBERGENSIS

SECVLARI FESTIVITATE TERTIA

PRÆSIDE

VIRO MAGNIFICO, AMPLISSIMO, EXCELLENTISSIMO, EX-
PERIENTISSIMOQVE

DN. GEORGIO FRANCO,
MED. & PHIL. D. PP. UNIVERS. PRO-CAN-

CELLARIO. FACULT. MED. DECAN. ET SENIORE, DN. ELECT.

TREVIRENS. ET DN. MARCHION. BADENS. ARCHIATR. ACAD. S. R. I.

NAT. CVRIOS, ET ITAL. RECUPERAT. COLLEGA, C. P. CAESAREQ,

HVIVS ACADEMIAE p. i.

DNO. PRO-RECTORE,

DNO. PATRONO, PRÆCEPTORE NEC NON HOSPITE

IN OMNI VITA DEVENERANDO,

PRO LICENTIA

SVMMQS IN ARTE MEDICA HONORES DOCTORALES, IMMV-

NITATES ATQVE PRIVILEGIA LEGITIME CONSEQVENDI

EXCELLENTISSIMORVM DNN. PROFESSORVM ALIORVMQVE ERVDI-

TORVM BENIGNAE CENSVRÆ SVBMITTET

JOHANNES PHILIPPVS Hofmann/

Trarbacô - Mosellanus.

Ad diem XVIII. Nov. M DC LXXXVI.

IN BRABEVTERIO VNIVERSITATIS

Horis locoque solitis

Imprimebat JOH. DAVID. BERGMANN. Walterian. Heres,

Elect. & Acad. Typogr.



Ad Momum.

PΑΟΝ ΜΩΜΕΙΣΘΑΙ, Η
ΜΗΜΕΙΣΘΑΙ.





J. N. S. S. T.

Proœmium.



Uot indissolubilibus ferè nodis Gordius ille nodus constabat, quem potentissimum illum Domitorem multarum Gentium, celeberrimumque Monarcham plurimarum Regionum Alexandrum Magnum singulari prudentiâ solvisse in Quinti Curtij Historia legimus; tot quoque Affectus intricatissimi in nostro corpore humano, nodo Gordio vere simillimi reperiuntur, qui non minus difficiles solutu quàm curatu sunt. Etsi verò ejusmodi Affectus in Praxi quandoque soleant occurrere, rariores certè sunt in Tractatione, deque quibus altum est aliquando quibusdam silentium. Quando itaque ante breve temporis, Divinà Clementiâ, peractis Examinibus, Thematibusque Theoretico & Practico resolutis, Gratiôsa, Perantiqui & Illustris hujus Athenæi Heidelbergensis, Facultas Medica benignissimè mihi concesserit, Thema quoddam pro Dissertatione Inaugurali eligendi, hoc præ reliquis, partim propter materiæ raritatem, partim verò propter ejus necessitatem de **L A B I I S L E P O R I N I S**, mihi arrisit. Si igitur hinc inde erravero, aut adhuc errare & impingere Tibi, Benivole Lector, forsân videbor, illud & ingenii mei tenuitati & inconcinno Tractationis hujus ordini atque methodo, insuper Affectus, ut modò dictum, raritati, temporisque brevitati, maximè autem Tue indulgentiæ

tia imputabis, huncque laborem a quo atque bono feres Animo,
quicumq; hanc Dissertationem legeris aut adspexeris, quod Hu-
manitatis genus omnibus nervis compensare studebo. Ego au-
tem mihi gratulor, meq; ideo ter felicem deprædico, quoniam
sub Tutela Serenissimi Principis ac Domini, Domini
PHILIPPI WILHELMI, Comitis
Palatini, atque Electoris, etc. etc. Domini
mei Clementissimi FESTIVITATEM SECV-
LAREM TERTIAM hujus Illustris Athenæi Heidelber-
gensis, maximò omnium applausu proximè celebrabimur: Flo-
reat Illustre hoc Lyceum, vivant Proceres Academia ejusdem
in florentissimæ juventutis commodum, subq; Tutela Serenissimi
Principis ac Domini &c. Universitas hæc majora quam un-
quam capiat incrementa. Tu verò, Æterne Deus, sicut ha-
tenus gratiâ tuâ paternâ me adjuvasti, ulterius clementiâ mi-
hi assiste tuâ.

CAPUT I.

O Nomatologia. Ante omnia verò, & in omni
 Contemplatione optimum inventionis initium
 est, prius exactè cognoscere, quidnam sit illud,
 de quo disputetur, prout docet Galenus
Libr. Vtrum Medicina vel Gymnastica sit Hygiene Cap. I.
 Affectus igitur de quo sermo nobis instituendus,
 dicitur *LABIA LEPORINA*, prout omnibus
 est hæc sententia, inter alios vid. *SRLV. Libr. III. Pract. C.*
XII. §. 28. seqq. p. 584. Joh. van. HORNE in Microtechnè p. m.
83. §. 9. IVNGKEN Chym. experiment. Sect. VII. Cap. 25. p. 757.
 Schmitz

SCHMITZ Comp. V. M. P. p. 281. BARBETTE in Chirurg. Part. I. C. 27. p. 94. ut & BLASIVS Med. Univers. Therap. Spec. p. 300. Sect. V. Cap. 2. M. Aur. SEVERIN. d. Efficaci Medicina, Part. II, p. 118. Cap. 125. VVEICKARD. Thesaur. Pharmaceut. Galeno Chymico. p. 622. libr. IV. SENNERT. Pr. Med. p. 9. C. IV. libr. II. SEBIZ. Spec. pr. Med. Tom. 1. C. 3. p. 437. AMMAN. Paranes. ad discipulos p. 411. seqq. Hi omnes, ut & adhuc alii, unanimiter uno eodemque nomine Labia Leporina solent indigitare. Quoad

Synonymiam, dicuntur Labia Leporina alio nomine FISSURÆ (ita tamen ut à minimis istis fissuris labiorum Germ. Schründen oder aufgesprungene Lefzen distinguantur) HIATUS LABIORVM, ROSTRA LEPORIS, Galli vocant BEC DES LIEVRES, Batavi HÆSEMONT, Germani Hasenscharten &c. vid. iterum SCHMITZ l. dicto, ut & BLANCARDVS in Lexico Medico Lit. L. Jam ad

Homonymiam, ubi notandum, quòd Labia Leporina, quatenus sunt affectus præternaturalis, non differant figura à labio supremo Leporis animalis quadrupedis, quæ vitiosa Labiorum conformatio loquelæ formandæque voci non solum impedimentum sunt lingens, verum etiam faciem totam reddunt indecoram.

CAPUT II.

MERITò descendimus nunc ad Descriptionem, ubi Labia Leporina dicuntur ea, quibus imperfecta sunt, & fissa ab ortu, vid. *SCHMITZ l. d.* singularis quoque considerationis morbus in labiis se exhibens, curationi Medicæ subjectus, est fissura ejus præsertim, quæ repræsentat Labia Leporum, à figura sic dicta, definitio eadem, quòd sint fissura seu hiatus in labio, præsertim superiore, vel ab ortu, ob

Matris

Matris Imaginationem fortem, vel post ortum ex vulnere, aliisque causis externis inflicta, faciem reddens indecoram, suctionem & alimentorum assumptionem difficilem, formandæque loquelæ magno existens impedimento.

CAPUT III.

Sic similiter Subjectum generale statuo hominem utriusque sexus, qui considerandus ratione *Ætatum*, inter quas primariò *Infantes*, secundariò quoque adulti, quod utcunque à variisque causis externis ipsis infertur; hocque subjecto generali dilucidato, speciale quoque tractandum erit, illud nimirum statuo labium ipsum, interdum in una, quandoque in utraque parte. Labium autem superius præsertim ponit *Ioh. van HORNE. l.d.* & experientia quotidiana rei fidem facit; ut taceam forte aliquid conferre interstitium illud in labii superioris medio sub nasi columella; quod Græcis *Φίλγον* vocatur, aliquid contribuere, ut labium superius facilius diffindatur.

CAPUT IV.

A subjecto immediatè me conféro ad *Causas*, & quidem I. *Proximam* continuum solventem, quam statuunt aliqui esse objectum illud per quod lædi solet imaginatio, hæc enim, cùm mirum in modum ejusmodi terriculamentis aut diuturnis cogitationibus turbari possit, efficax esse potest talem foetum monstrosi labiis producere. Causa tamen proxima vera forte nemini, nisi soli Deo, nota. Quis enim mihi dicere valebit, ubi pars illa mandans imò hiatus labii, nec non pes, aut digitus sit, cum foetus fuerit perfectus, moxque, puta intra spatium 3. 4. vel 5. dierum, in lucem edendus, an ne pars illa mandans jacebit in utero, certè cùm secundinâ debebat excerni, sed cùm non fiat illud, quid cogi-

cogitandum ? Iterum quis valebit enunciare, foetu jam perfecto, & mox edendo, unde proveniat duplex unâ parte brachium, aut pes, aut caput, anne ex abundantia feminis? Ridiculum certè, Latet ἡ Ἰστορία quid Divini, sensus nostros fugiens. Vellem ulterius me à sapientiori informari super hac re. Jam verò ad Causas remotiores, ubi inter alias sisto imaginationem matris, quæ vel leporem, vel alium hoc mulô laborantem adspexit, in primis eô tempore, quo non ita pridem concepit; à parte Patris quoque provenire posse, dubito; agnoscit tamen *BLASIVS Therapeut. special. C. 2. S. V. p. 300.* Ex parte mulieris eandem ferè causam, dicendo: Multis feminis in utero defectus aut pravitas (quod tamen veritati repugnare censeo) vel formatricis error, maximè si terror aut imaginatio primò conceptus tempore accesserit: Hancque causam unanimi voto ferè omnes statuunt, quibus modo volupe fuit de hac materia tractare aliquid. Porro in album remotarum causarum meritò pono *Res Naturales, TEMPERAMENTVM* biliosum, humores acres, corrodescentes, salinos, deinde *Non naturales*, Aërem, hinc accuso Aquilonarem, Cibos omnes valdè aromatizatos, vinum generosum meracum, motum nimium, obstruendo enim parit calorem præter naturalem, hinc exsiccat, Animi denique pathemata ordini Symptomatum horum colophonem addere solent; in *Præternaturalium* indice sunt contusio, vulnus, ulcus, casus &c.

CAPUT V.

Sicque cognitis his causis ad eorundem labiorum signa, & quidem transeundum nobis erit ad Diagnostica, his signis non opus est, quia pars affecta visui nostro sese satis offert, faciem valde deformem efficit, maximè si dentes simul exserantur indebite. Allegabo hujus loci *DIFFE-*

REN-

RENTIAS, ubi dico alia statim esse ab ortu, alia post ortum, alia labii tantum, alia verò maxillæ superioris, alia denique ossis Sphænoidis divisi & fissi, ut exemplum posterioris allegat *RONHYRSEN Histeric. Curarum. lib. 11. Obs. l.p. 6.* Simile exemplum palati simul divisi observavit Magnificus Dn. Præses A. C. 1685. Moguntiaë mense Septembri. Suus quoque

Signis Prognosticis debetur honos, quodque interdum periculosa sit hæc labii ruina, patebit ex sequenti Historia, dum nempe post sectam & labiorum colligatam fissuram pullus citò moritur, quæ causa est, quia in Palato ad uvulam invenitur satis magna viscidæ pituitæ copia, in qua suffocatus videbatur, quæ fortè ob commotionem, ejulatum & ploratum ex operatione causarum, delapsa à Capite fuit: reliquæ enim omnes partes & viscera sana erant, erat autem & palatum fissum usque ad sellam Turcicam, quemadmodum stylo percipi poterat, gingivæ quoque non coibant invicem ex parte illius fissuræ, prout hanc Historiam allegat *D. Joh. Rudolph. SALTZMANN Obs. Anatom. D. 23. Nov. Anni M. DCXI. p. 42. 43.* igitur eventus, prout ex hac relatione constat, est lethalis, præsertim copiâ pituitæ viscidæ magnâ, quæ obstruendo suffocationem minatur.

CAPUT VI.

Cumque multis varia sit sententia, dico ego operationem faciliorem esse negotii tunc temporis, si vitiò tali juniores, adhucque sugentes laborent, in iis enim carnis teneritas, & ad labem hanc corrigendam adhuc apta, nisi vires tempusque lactationis obstant: In adultis verò labiorum carnem multò obductam callô, & jam induratum difficulter sanari posse nemo est qui repugnabit. Vidi tamen aliquem

quem Argentorati degentem, nescio num fuerit Civis an Hospes, qui Anno ætatis suæ 26. vel 27. præter propter felici cum successu fuit curatus, remanente tamen aliquali figurâ repræsentante Crucem. Operatio autem hæc feliciori gaudebit fine atque eventu, si tempore vernali aut æstivo instituetur, cum calor omnis (excipe p. n.) vulneribus agglutinandis majoris sit efficaciam, quam frigus, hoc siquidem ob adstrictionem, qua gaudet, obstaculo potius est.

CAPUT VII.

Sic præmissis istis, quæ ad instituti mei temporisque penuriam spectare mihi videbantur, Methodum mendendi sine remora aggredior, ubi operatio debet institui *Citò*, ne per longam cogitationum seriem (quomodo nimirum hoc vel istud sit instituendum, hæc enim ante prius deliberare oportet seriò & maxima cum industria) hæmorrhagia nimia sequatur, & ita damnum infanti inferatur, sit ex mente *A. Corn. CELSI* cordatus, intrepidi animi, immisericorsque Chirurgus, neque ejulatum & ploratum infantis curet, sed se totum ad operationem ritè perficiendam applicet, *Tutò* nec cum temeritate, sed omnia quæcunque agat, prudenter agat Chirurgus, *Iucundè* verò ne molestias adstantibus & afflicto procreet majores. Porro *Indicatio curativa* palmaria in hoc affectu est unitio, utpote quæ decenter, ut postea dicetur, lege artis est continuo vinculo servanda, ne iterum labia distendantur à se. Summò semper studiò ad vires respiciendum, quæ quoque maximum sunt coindicans, quarumq; jactura quomodo toti officiat Corpori, etiam Hospiti in Medicina erit notum, notius tamen ei qui Medicinæ addictus fuerit. Quid verò juvabunt ægrotum vanæ verborum jactationes, chartæque inania inscripta verba, nisi quoque succurratur eidem.

CAPUT VIII.

Videbo igitur quâ methodo sit aggredienda Cura ipsa, quam potiori parte dependere à fonte *Chirurgico*, quam *Pharmaceutico* mihi persuadeo. Quando igitur ritè procedere velis, 1. dissita nec non hiantia labia excoriare, 2. excoriata futurâ medicamentisque agglutinantibus conjuncta conservare oportet, apud infantes recens natos tali malô affectos initiô secundinam mox oblinat applicetque, sicut & in aliis nævis maternis poterit non sine fructu procedere is, quicunque vitia emendare studebit eadem, nullum præterea agglutinationis fructum factura est ejusmodi futura, si quid cutis inter vulneris labra interjacuerit, quare quicquid ejus intererit excidendum est, aliâs unio non est speranda. *Ioh. VAN HORNE ap. Thom. BARTHOLIN. Epist. Med. Centur. III. p. 348. Epist. LXXXI. adducit aliquod Exemplum in-*quiens: *Ante sex circiter septimanas accessit me Chirurgus, indicans mihi monstruosum fœtum pridie natum, cumque ego videnti cupidus ab eodem ad ades deductus essem, vidi nihil aliud esse quam Labium Leporinum, & apici nasi adnatam particulam instar articuli pollicis, totum quoque palatum fissum esse, quapropter eum monui, frequentia ejusmodi monstra apud nos esse, imò unum sanitati meo consilio & Chirurgorum operâ fuisse restitutum.* Methodum curandi verò cur auctor dictus non apposuerit, non constat. Dixi supra, quod dissita, & à se invicem separata labii superioris latera excorianda sint, & cuticula inibi cum cute auferenda. Deinde conjungenda, tum conjuncta servanda futuris & aciculis, labii separatis partibus infixis, ultimò unguenta vel emplastra κολλητικά seu agglutinantia poterunt imponi. Parari verò solent ex variis adstringentibus aliisque ingredientibus v. g. Plantagine, Millesfolio, Sanicula, Pilosella, Consolida majore, Pimpinella, Sangui-

Sanguisorba, Pentaphyllò, Bistorta, Anagallide &c. è regno minerali poterunt usui esse, Therebinthina, Mastix, Thus, Sarcocolla, Osteocolla, sanguis Draconis &c. Hic existimo non reiicienda esse quædam olea, v. g. Momordicæ, Therebinthinæ, Mastichinum, Myrtinum. Juvabit præterea aliquid postquam excoriatio illa instituta est, vinum indere rubrum ori, quo cum os ipsum reddi potest mundum, gaudet enim quoque vi astrictoriâ nec non abstersoriâ.

CAPUT IX.

INterim quis cibus ægro est offerendus, fumò ne induratus, an multò sale conditus? Certè nequaquam, sed evptos, euchymos, vinum certò respectu, habitâque ratione ætatis concedendum. Aquâ parùm dilutum, Aër omnis fugiendus frigidus. Motus habenda est ratio, somnus potius procurandus præ vigiliis, parùm vel nihil loquatur patiens adultus. alvus sit laxa, animi pathemata possibile quantum ad instar veneni exsecrentur, aliaque externa, quæ injuriam ægro inferre possunt, coërceantur. Qui plura volet, adeat Auctores supra citatos, nostri instituti nunc non est, omnia ad unguem tradere chartæ, cùm non solùm temporis, verùm etiam aliorum ratio finem imponendi suadeant. Interea Tibi Domine JESU, qui me è Diaboli potestate eripuisti, qui me à teneris huc usque conservasti, gratias habeo tempore quovis, tuere me miserum imposterum, assiste porrò Clementiâ Tuâ, sit TIBI pro concessis viribus sempiterna Laus, Honor & Gloria



COROLLARIA.

1. Causa LABII LEPORINI non est imaginatio tantum.
2. Calculus in renibus non potest frangi, sed imminui, hinc
3. Lithonthryptica frustra ferè adhibentur.
4. Diæta magis necessaria quàm medicamenta.
5. In Dysenteria vinum convenit, Disting.
6. Non datur Panacea.
7. Annorum Climactericorum nullus est usus.
8. Cometa est naturale quid.
9. Astrorum influxus nullius est Momenti præter Solis.

In

Disputationem de Labiis Leporinis

PRÆCLARISSIMI MEDICINAE CANDIDATI

JOH. PHILIPPI Hofmann /

προσφώνησις

P R Æ S I D I S.



Vi studium LABIIS LEPORINIS grande locasti,

HOFMANNE, *in labiis optima verba geris.*

Quod vitium labiis fuit hactenus undique magnum,

*Officium sanum est, Dulcis Amice, Tibi.
A teneris labium P A T E R effingebat &
Ora,*

Ut nobis hodie verba diserta dares.

*Det DEUS et labiis et Cordi prospera facta,
Sic ægri labium Carmina grata dabit.*

Joan-

Joannes Philippus Hofmann.

ἀνάγγραμμα.

Hem! ann' lippi fusa! non: Sophi.

ἐπίγραμμα.

His calamo quæ fusa vides PRÆCLARA tabellis,
An ea sunt lippi, vel BONA DOCTA SOPHI?
Hem! non lippus iners arguto HÆC tradere scripto
 Posset: sunt CLARI digna RELATA *Sophi*
 Sic cujus medicam sapientia transit ad artem,
 Ille DEO similis: quod docet Hippocrates.
 Nicrini hoc simul *Excellentis* probar ordo Lycei,
 Qui artis Apollineæ dogmata sacra docet:
 Ἰσόθεος Francus, Lucas Doctissimus, atque
 Brunnerus Soceri par Gener ille *Sophi*.
 Tu quoque jam *Sophiæ* pergis conjungere Hygeam,
 Hofmann, atque DEO reddere Te similem.

*Specimen Inaugurale Præcellentis Domini Auctoris admi-
 ratus, inventâ per nomen ejus gratulationis materiâ,
 fausta omnia precatus scripsit*

Ioh. Wilh. Christiani,
 M. L.

Ex-

EXploras HOFMANNE Labri curas Leporini,
Sic auges numerum Doctorum, hinc jure mereris,
Ut TIBI certanti Phœbus sua præmia ponat.

*Ita gratulatur animo intimo Contubernali ac Commensali
dilectissimo*

P. W. V. a. H.
P. M. & M. L.

QVando HOFMANNE Tuô doctô Labium Lepori-
num
Monstras discursu, docta labella Tua
Insimul ostendis ; grator de pectore toto
Tantam doctrinam, promeritumque decus.

*Nobilissimo Auctori, Commensali dilectissimo paucis his
se commendare voluit*

David Lipach. U. I. C.

ESt Hofmanne Tibi curæ Labii Leporini
Scrutari causas, affectûs tradere curam.
Perficies hoc ipsum, ac magna cum laude reportas
Doctoris tantô meritam sudore coronam.
Gratulor ex animo Tibi, prospera quæque precando.

Fr. Christ. Schattenmann,
Land. Stud. Jur.

Nobi-

NObilitat nunquam, quamvis gratissima forma
 Corporis : Ast animi tantum placet inclyta virtus
 Hoc decus, haud decus id, cum mens deserta decore;
 Hinc, HOFMANN, tuæ cum sint pulcherrima mentis
 Lumina, jam video sertum TIBInectere Musas.

Dab. è Museo Heidelber-
 gæ die 15. Novembris
 LXXXVI.

*Nobilissimo ac Præstantissimo Domino
 Candidato, Amico suo peramando
 pauca hac adjicere voluit, debuit.*

Joh. Ulricus Klotz.
 LL. Stud.

DE lepore aut *labiis leporinis* quando lepore
 HOFMANN perdocto differis ; euge BENE!

*Nobilissimo atq, Præclarissimo Domino Candidato,
 Fautori, Amico & Consalino honoratissimo
 posui*

Georgius Fridericus Francus,
 Phil. & Med. Cultor,

F I N I S.

